

CYNGOR TREF RHUTHUN RUTHIN TOWN COUNCIL



Cofnodion (DRAFFT) Cyfarfod Arferol **CYNGOR TREF RHUTHUN**
a gynhaliwyd drwy gynhadledd fideo Zoom nos Lun 13 o Ragfyr 2021 am 7:00pm.

- YN BRESENNOL:** Cynghorydd Heather Williams (Maer),
Cynghorwyr Stephen Beach, Jim Bryan, Christine Ellis, Gavin Harris, Ken Hawkins, Rachel Lewington, Robert Owen-Ellis, Ethan Jones, Anne Roberts, Ifan Wyn a Mike van der Eijk.
Cynghorwyr Sir Bobby Feeley ac Emrys Wynne.
- YN BRESENNOL:** Siân Clark – Clerc Tref Rhuthun
Kate Marcus – Dirprwy Glerc y Dref a Rheolwr yr Hen Lys
Marian Rees – Cyfieithydd

152. CROESO AC YMDDIHEURIADAU

Ymddiheuriadau gan Gynghorwyr: Menna Jones, Jabez Oakes, Ian Lewney a Chynghorydd Sir Huw Hilditch-Roberts

153. DATGAN BUDDIANNAU

- Datganodd y Cynghorydd Sir Bobby Feeley fuddiant yn eitem 13 ar yr agenda (cofnod 163) gan ei bod yn aelod o Hamdden Sir Ddinbych Cyf
- Datganodd y Cynghorydd Sir Emrys Wynne fuddiant yn eitem 14 ar yr agenda (cofnod 164) fel aelod o Pwyllgor Apêl Rhuthun

154. ADRODDIAD Y MAER

Nodwyd yr adroddiad fel y'i dosbarthwyd gyda'r agenda, a oedd yn amlinellu gweithgareddau a digwyddiadau'r Maer ers cyfarfod blaenorol y Cyngor Tref ym mis Hydref. Yn ogystal, dywedodd y Maer wrth y Cynghorwyr Tref y byddai cyfarfod cychwynnol o Grŵp Partneriaeth Llifogydd Rhuthun yn cael ei gynnal ym mis Ionawr

PENDERFYNWYD: nodi cynnwys Adroddiad y Maer.

155. ADRODDIADAU'R AELODAU

Trafododd yr Aelodau adroddiadau'r Aelodau fel y'u dosbarthwyd gyda'r agenda.

PENDERFYNWYD: nodi cynnwys adroddiadau'r Aelodau.

156. ADRODDIAD CYNGHORWYR SIR RHUTHUN

Cafwyd adroddiad llafar gan y Cynghorwyr Sir Bobby Feeley ac Emrys Wynne gan gynnwys:

- Ailagor Neuadd y Farchnad, gyda stondinau a chaffi
- Cydnabyddiaeth o waith caled pawb fu'n ymwneud â'r gweithgareddau a digwyddiadau amrywiol a gynhaliwyd yn y dref yn ystod cyfnod y Nadolig.
- Mynychu Cyfarfod Cyffredinol Blynyddol Cyfeillion Ysbyty Rhuthun
- Bod cynlluniau i wella safle Stryd y Rhos
- Ymweliad â Chlwb Pêl-droed Rhuthun ynglŷn â'r cae 3G. Yn dilyn difrod storm, canmolwyd gwirfoddolwyr a busnesau lleol am helpu gyda'r gwaith atgyweirio.
- Difrod stormydd i goed yn Rhuthun wedi ei glirio gan y Cyngor a thirfeddianwyr lleol.

- Gofynnodd y Cyngorwyr Tref am eglurhad ar y difrod i Ysgol newydd Stryd y Rhos a oedd yn peri pryder arbennig i drigolion lleol. Yn ogystal, roedd Ysgol Stryd y Rhos yn cael ei heffeithio gan drawdod annymunol yn deillio o'r parc busnes, a oedd yn peri pryder. Nodwyd y byddai'r Cyngorwyr Sir yn rhoi adborth i Gyngorwyr Tref ar y difrod i'r ysgol a chatau gweithredu i ddatrys y drawdod annymunol.
- Byddai cyfarfod cychwynnol o'r Grŵp Partneriaeth Llifogydd yn cael ei gynnal ym mis Ionawr 2022.

PENDERFYNWYD: derbyn adroddiad llafar Cyngorwyr Sir Rhuthun a nodwyd y bydd adborth i'r Cyngor Tref ynghylch (i) maint y difrod i Ysgol Stryd y Rhos wedi'r storm a (ii) y camau sy'n cael eu cymryd i ddatrys y drawdod sy'n deillio o'r parc busnes sy'n effeithio ar ddisgyblion Ysgol Stryd y Rhos.

157. COFNODION Y CYFARFOD ARFEROL BLAENOROL

PENDERFYNWYD: derbyn a chadarnhau cofnodion y cyfarfod a gynhaliwyd ar 22 o Dachwedd 2021 fel cofnod cywir.

158. MATERION YN CODI

Dim.

159. COFNODION Y PWYLLGOR AMWYNDERAU

PENDERFYNWYD: derbyn cofnodion y Pwyllgor Amwynderau a gynhaliwyd ar 6 o Ragfyr 2021.

160. COFNODION Y PWYLLGOR CYNLLUNIO A DATLBYGU

PENDERFYNWYD: derbyn cofnodion y Pwyllgor Cynllunio a Datblygu a gynhaliwyd ar 6 o Ragfyr 2021.

161. COFNODION PWYLLGOR RHEOLI'R HEN LYS

Rhoddodd yr Aelodau ystyriaeth i gofnodion y cyfarfod a gynhaliwyd ar 23 Tachwedd 2021. Nododd yr Aelodau'r cywiriad i'r gwall teipograffyddol a ganlyn: 'Byw'n Gallach Byw'n Dda' i'w gynnal ar 20 Ionawr nid 2 Ionawr.

PENDERFYNWYD: derbyn cofnodion Pwyllgor Rheoli'r Hen Lys a gynhaliwyd ar 23 Tachwedd 2021 yn nodi'r dyddiad wedi'i gywiro ar gyfer digwyddiad Byw yn Gallach, Byw'n Dda.

162. DYFODOL RHUTHUN A CHRONFA CODI'R GWASTAD – ADRODDIAD CYNNYDD

Ar ran Gweithgor Dyfodol Rhuthun, rhoddodd y Cyngorydd Gavin Harris ddiweddariad ar lafar ar y ddau brosiect Codi'r Gwastad, a oedd wedi deillio o ddyheadau Dyfodol Rhuthun, ac a oedd yn cael eu hwyluso gan y Cyngor Tref, sef: 'Ardal Cyhoeddus Sgwâr San Pedr a strydoedd cyfagos' a 'Cae Ddol a Choridoriau Gwyrdd'. Roedd y pwyntiau allweddol yn cynnwys:

- Dogfennau cynhwysfawr ar gyfer y ddau brosiect wedi eu creu (drafft ar hyn o bryd)
- Bod y Pwyllgor Amwynderau wedi ystyried dogfen ddrafft 'Cae Ddol a'r Coridoriau Gwyrdd' yng nghyfarfod mis Rhagfyr.
- Er mwyn cydymffurfio â therfynau amser penodedig, roedd y dogfennau drafft wedi'u cyflwyno i'r Cyngor Sir er mwyn sicrhau bod gan swyddogion cydlynu'r brosiect yr holl wybodaeth, data a chostau oedd ar gael i'w cynnwys, fel yn briodol, i'r cais. Cafodd 13 o brosiectau eu hystyried a'u cymeradwyo gan Gabinet Cyngor Sir Ddinbych ar 23 Tachwedd 2021 i'w cynnwys yng nghais y Gronfa Codi'r Gwastad o fewn etholaeth Gorllewin Clwyd, a fyddai'n cael ei gyflwyno'n ffurfiol gan Gyngor Sir Conwy.

- Roedd y dogfennau prosiect drafft yn parhau i esblygu a byddent yn cael eu dosbarthu i bob Cynghorydd Tref cyn y Nadolig, er mwyn galluogi Aelodau i ddarllen, crynhoi a darparu sylwadau i'w anfon at Glerc y Dref. Cynigiwyd cynnal cyfarfod o Weithgor Dyfodol Rhuthun, i gynnwys bob Cynghorydd Tref, i ystyried sylwadau a nodi barn ar y dogfennau a ddosbarthwyd. Cynigiwyd ymhellach, yn amodol ar y sylwadau a'r safbwyntiau hyn, y byddai'r dogfennau diwygiedig yn sail i gyfnod o ymgynghori ac ymgysylltu cyhoeddus wyth wythnos o hyd o ddiwedd mis Ionawr; elfen allweddol ac annatod o'r broses.
- Byddai'r digwyddiad ymgynghori ac ymgysylltu cyhoeddus yn cael ei gefnogi ymhellach gan prosiect Co-Lab Ysgol Pensaernïaeth a Dylunio Birmingham, Prifysgol Dinas Birmingham, dan arweiniad Dr Matt Jones. Byddai hyn yn cyfateb i 800 awr o gymorth penodol gan fyfyrwyr a thîm addysgu proffesiynol.
- Nid oedd amserlen ffurfiol ar gyfer cyflwyno'r cais i'r Gronfa wedi'i gyhoeddi eto gan Lywodraeth y DU, ond y disgwyl oedd, pe byddent yn llwyddiannus, y byddai angen i brosiectau gael eu cyflawni erbyn diwedd mis Mawrth 2024.

Cadarnhaodd y Cynghorydd Sir Bobby Feeley fod y Cabinet yn cytuno, mewn egwyddor, i'r 13 prosiect a oedd gyda'i gilydd yn ffurfio cais LUF ar gyfer rhan Sir Ddinbych o gais Gorllewin Clwyd

PENDERFYNWYD: *nodwyd y diweddariad llafar a chytunwyd:*

- (i) *bod y dogfennau drafft yn cael eu dosbarthu i'r holl Gynghorwyr Tref ac iddynt anfon sylwadau cychwynnol at Glerc y Dref;*
- (ii) *gwahodd yr holl Gynghorwyr Tref i fynychu Gweithgor Dyfodol Rhuthun; a*
- (iii) *bod digwyddiad ymgynghori ac ymgysylltu cyhoeddus yn cael ei gynnal o ddiwedd Ionawr 2022.*

163. FELODROM ARFAETHEDIG RHUTHUN

Derbyniodd yr aelodau ddiweddariad llafar ar Felodrom arfaethedig Rhuthun gan y Cyng Gavin Harris. Rhagwelwyd y byddai adroddiad ysgrifenedig manylach ar gael ar gyfer cyfarfod y Cyngor ym mis Ionawr 2022. Roedd achos busnes wedi'i gyflwyno i Chwaraeon Cymru yn ceisio cytundeb mewn egwyddor.

PENDERFYNWYD: *nodi y diweddariad llafar ar Felodrom arfaethedig Rhuthun.*

164. CAIS AM NAWDD ARIANNOL: YR URDD

Bu'r Cynghorwyr Tref yn ystyried cais cyffredinol gan Yr Urdd am gyfraniad i gefnogi Eisteddfod yr Urdd 2022. Roedd cyfraniad o £10,000 wedi ei ddarparu gan y Cyngor Tref i noddi'r pafiliwn Celf a Chrefft yn ffurfiol, a ystyriwyd yn ffordd gadarnhaol o gefnogi'r Urdd a hyrwyddo Rhuthun.

Yn dilyn trafodaeth, cynigwyd ac eiliwyd bod penderfyniad ar gyfraniad penodol pellach i'r Urdd yn cael ei ohirio er mwyn galluogi cyswllt rhwng Clerc y Dref a'r Urdd i gadarnhau y trefniadau noddi cytunedig ac i ganfod sefyllfa ariannol Eisteddfod yr Urdd 2022. Byddai'r Cyngor Tref yn ystyried cyfraniad pellach i gefnogi Eisteddfod yr Urdd 2022 yn sgil y gwybodaeth a ddebynwyd. Cynhaliwyd pleidlais a chytunwyd ar y cynnig.

PENDERFYNWYD: *(i) Clerc y Dref i gysylltu â'r Urdd i gadarnhau y cytundeb nawdd a gytunwyd gyda'r Cyngor Tref ac i ganfod sefyllfa ariannol Eisteddfod yr Urdd 2022; ac (ii) bod eitem ar 'Cyfraniad i Eisteddfod yr Urdd 2022' yn cael ei chynnwys ar agenda Cyngor Tref yn y dyfodol agos.*

165. ADNEWYDDU AELODAETH CYMDEITHAS CLERCIAU CYNGHORAU LLEOL (SLCC)

Rhoddodd yr Aelodau ystyriaeth i adnewyddu aelodaeth y Clerc o Gymdeithas Clercod Cyngorau Lleol (SLCC) ar gyfer 2022.

PENDERFYNWYD: adnewyddu aelodaeth y Clerc o Gymdeithas Clercod Cyngorau Lleol (SLCC) ar gyfer 2022.

166. PLISMONA CYMUNEDOL

Rhoddodd yr Aelodau ystyriaeth i adroddiad ysgrifenedig ar faterion plismona cymunedol lleol a gyflwynwyd gan y Rhingyll Rich Evans o Heddlu Gogledd Cymru, a oedd wedi'i ddosbarthu cyn y cyfarfod. Roedd y Cyngorwyr Tref yn cydnabod ac yn diolch i'r tîm plismona lleol am eu gwaith. Cynigiwyd a chytunwyd bod Yr Hen Lys yn cael ei gynnig fel lleoliad lle gallai trigolion lleol fynychu cyfarfodydd wyneb yn wyneb gyda'r PCSOs lleol.

PENDERFYNWYD: nodi'r adroddiad ysgrifenedig ar blismona cymunedol lleol a chynnig Yr Hen Lys fel lleoliad ar gyfer cyfarfodydd wyneb yn wyneb gyda PCSOs lleol.

167. DATGANIAD ARIANNOL

Cafodd yr Aelodau'r datganiad ariannol ar gyfer y cyfnod yn dod i ben ar 30 Tachwedd 2021.

PENDERFYNWYD: *derbyn y datganiad ariannol am y cyfnod sy'n dod i ben ar 30 Tachwedd 2021.*

168. CYFRIFON I'W TALU

PENDERFYNWYD: *cymeradwyo talu'r eitemau canlynol:*

O gyfrif cyfredol Cyngor Tref Rhuthun:

Fineline	Argraffu a deunydd swyddfa amriwiol	*	£100.24
Marian Rees	Gwasanaeth cyfieithu – Tachwedd 2021	*	£180.00
Hill & Roberts	Gwaith arbennigol TAW	*	£3,000.00
Hill & Roberts	Gwasanaethau cyfrifyddu a chyflogres	*	£240.00
Public Works Loan Board	Rhandaliad ad-dalu benthygiad Yr Hen Lys		£3,515.42
Angle Surveys	Arolwg Topograffig, St Peter's Square	*	£1,254.00
The Print Room	Cardiau Nadolig Blynnyddol y Maer (50)		£72.50
Cllr Heather Williams	Ad-dalu Cysuron y Nadolig		£25.00
Viking	Deunydd swyddfa armiriol gynnwys eitemau ar gyfer Yr Hen Lys	*	£329.18
Cyngor Sir Ddinbych	Sachau Masnach Brown		£220.00

(Mae'r eitemau wedi'u dynodi gyda * uchod yn cynnwys TAW adferadwy)

O gyfrif Cyngor Tref Rhuthun – Yr Hen Lys

Scottish Power	Cyflwyniad Ynni (17/09/2021 – 15/11/2021)	*	£146.61
----------------	---	---	---------

169. DYDDIAD Y CYFARFOD NESAF

PENDERFYNWYD: *cadarnhau mai dyddiad y cyfarfod arferol nesaf fydd nos Lun 24 o Ionawr 2022 am 7pm.*